

Azilkërkuesit në Shqipëri

Viti 2020


Tiranë, më 05 korrik 2021: Në 2020 rezultojnë 2.232 azilkërkues në Shqipëri, duke pësuar rënie me 66,0 %, krahasuar me vitin 2019.

Azilkërkuesit me origjinë nga Siria dhe Iraku rezultojnë respektivisht 876 dhe 339 azilkërkues, duke zënë 54,4 % të azilkërkuesve gjithsej

Azilkërkuesit në Shqipëri

Azilkërkuesit në Shqipëri, referuar Drejtorisë së Azilit dhe të Huajve, si dhe Shtetësisë pranë Ministrisë së Brendshme, rezultojnë 2.232 persona. Duke analizuar vendin e origjinës së azilkërkuesve, kuptojmë se shumicën e rasteve e përbëjnë ata me origjinë nga Siria me 876 azilkërkues, Iraku me 339 azilkërkues, Afganistani me 316 azilkërkues dhe nga Maroku me 297 azilkërkues.


Fig. 1 Azilkërkuesit kryesor sipas vitit dhe vendit të origjinës



Burimi: Drejtoria e Azilit dhe të Huajve, si dhe Shtetësisë, Ministria e Brendshme

Po të analizojmë të dhënrat sipas gjinisë, vëmë re se numri i azilkërkuesve femra është 501, ndërsa i meshkujve është 1.687. Vihet re një dominim i meshkujve në numrin e azilkërkuesve në Shqipëri me 75,6 % të numrit gjithsej të azilkërkuesve.

Fig. 2 Kërkesat për azil sipas gjinisë, 2020




Burimi: Drejtoria e Azilit dhe të Huajve, si dhe Shtetësisë, Ministria e Brendshme

*Kategoria "Të panjohur" nënkupton rastet e azilkërkuesve, për të cilat informacioni mbi gjininë mungon

Duke parë kërkesat për azil sipas muajve, piku i aplikimeve shënohet në tremujorin e parë, të cilët përbëjnë 97,7 % të azilkërkuesve gjithsej.

Fig. 3 Kërkesat për azil sipas muajve, 2020



Burimi: Drejtoria e Azilit dhe të Huajve, si dhe Shtetësisë, Ministria e Brendshme

Gjatë viti 2020 rezultojnë 4 vendime pozitive për dhënie të statusit të refugjatit dhe statusit të mbrojtjes plotësuese për azilkërkuesit, ku të gjithë këto raste i përkasin shtetasve nga Siria.

Marrja dhe lënia e shtetësisë Shqiptare

Në 2020 rezultojnë 423 persona të cilët kanë fituar shtetësi shqiptare, duke pësuar rënien me 12,8 %, krahasuar me vitin 2019.

Në 2020, rezultojnë 513 persona të cilët kanë lënë shtetësinë shqiptare, duke pësuar rënien me 30,8 %, krahasuar me vitin 2019.

Tab.1 Marrja, lënia, njohja dhe rifitimi i shtetësisë Shqiptare

Viti	2017	2018	2019	2020
Fitim shtetësie	316	345	485	423
Lënie shtetësie	651	640	741	513

Burimi: Drejtoria e Azilit dhe të Huajve, si dhe Shtetësisë, Ministria e Brendshme

Metodologjia

Qëllimi i publikimit vjetor për azilkërkuesit në Shqipëri është paraqitja e rezultateve dhe treguesve për azilkërkuesit në Shqipëri sipas gjinisë, muajit të aplikimit, vendeve të origjinës, si dhe numrin e individëve që kanë marrë dhe lënë shtetësinë Shqiptare.

Të dhënat mbi Azilkërkuesit dhe fitimit ose lénies së shtetësisë në Shqipëri sigurohen nga Drejtoria e Azilit dhe te Huajve, si dhe Shtetësisë, në Ministrinë e Brendshme.

Përkufizime:

Azil është forma e mbrojtjes ndërkombëtare që Republika e Shqipërisë u jep refugjatëve dhe personave në mbrojtje plotësuese.

Azilkërkues është çdo shtetas i huaj ose person pa shtetësi, që ka paraqitur kërkesë për mbrojtje ndërkombëtare, për të cilën nuk është marrë ende një vendim përfundimtar i formës së prerë.

Aplikim për azil është kërkesa zyrtare e të huajit ose personit pa shtetësi para autoritetit përgjegjës për azilin dhe refugjatët, e cila vlerësohet si një kërkesë për mbrojtje ndërkombëtare, sipas Konventës së Gjenevës së OKB-së, "Mbi statusin e refugjatit". Çdo kërkesë për mbrojtje ndërkombëtare vlerësohet si aplikim për azil, përveç rastit kur i huaji kërkon qartazi një lloj tjetër mbrojtjeje, për të cilën aplikohet veçmas.

Kërkesë për azil është çdo deklaratë e të huajit ose personit pa shtetësi, e shprehur në çfarëdolloj mënyre e në çfarëdo kohe përparrë autoritetëve kompetente, në pikat e kalimit kufitar apo brenda territorit të Republikës së Shqipërisë, i cili kërkon mbrojtje ndërkombëtare, sipas konvantave ndërkombëtare dhe legjislacionit shqiptar.

Shtetësia shqiptare fitohet, rifitohet, humbet apo lihet në përputhje me dispozitat ligjore për shtetësinë shqiptare, të cilat respektojnë normat e parimet e njohura të së drejtës ndërkombëtare në fushën e shtetësisë, të pranuara nga Republika e Shqipërisë.

Shtetësia shqiptare fitohet me: a) lindje; b) natyralizim; c) birësim

Marrja e shtetësisë fitohet nga një i huaj që ka paraqitur kërkesë për marrjen e shtetësisë shqiptare, në rast se plotëson kushtet e paracaktuara në ligj.

Lënia e shtetësisë shqiptare nënkupton se pasja e shtetësisë shqiptare merr fund sipas kërkësës së personit, kur ai plotëson kushtet e paracaktuara në ligj.

Shtetas i huaj është personi i cili nuk është shtetas i Republikës së Shqipërisë dhe ka shtetësi të huaj.

Person pa shtetësi është personi që nuk gjëzon shtetësinë e asnjë shteti për shkak të mungesës së një lidhjeje të qëndrueshme juridike ndërmjet tij dhe një shteti.

Refugjat është shtetasi i huaj ose personi pa shtetësi, i cili, për shkak të frikës së bazuar të persekutimit, për arsyе të racës, besimit, kombësisë, anëtarësisë në një grup të caktuar shoqëror ose bindjes politike, ndodhet jashtë vendit të shtetësisë së tij ose jashtë vendbanimit të zakonshëm të mëparshëm dhe nuk ka mundësi ose dëshirë për të kërkuar mbrojtjen e atij vendi apo kthimin në atë vend, si pasojë e këtyre rrëthanave, në përputhje me kriteret e nenit 1 (A) të Konventës së Gjenevës.

Shtet apo vend i origjinës është shteti, shtetësinë e të cilit mban kërkuesi ose në rastin e personave pa shtetësi, vendbanimi i zakonshëm i mëparshëm.

Status i mbrojtjes plotësuese është njohja në Republikën e Shqipërisë e të huajt ose personit pa shtetësi, si person i pranueshëm për mbrojtje plotësuese. **Status i refugjatit** është njohja në Republikën e Shqipërisë e shtetasit të huaj ose personit pa shtetësi si refugjat.